



Gabriel Biel uir in diuinis scripturis eruditus
 & in humanioribus literis doctissimus fuit.
 Cum itaq; eius tempore, anno Christi 1476. Eber-
 hardus comes inclytus Vuirtembergensis Tubin-
 gæ Academiam fundasset, atq; multis priuilegijs
 ornasset, Gabriel ille inter primos professores ibi-
 dem extitit, atq; sua eruditione eādem plurimūm
 illustrauit. Fuit itaq; apud comitem eum in magna
 existimatione. scripsit is inter alia in Canonē Mis-
 sæ, atq; in Passionem Domini, cum alijs. Cum autē
 longo tempore sacras literas ipsamq; philosophiā
 Tubingæ magno auditorum concursu professus
 esset, atq; tandem ordinem eorum, qui se fratres in
 communi uiuētes appellant, suscepisset, uitam cum morte commutauit. Trit.